



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400

fax. +387 33 726 423

e – mail: info@voda.ba

Broj: **UP-1/21-3-40-541-4/23**

Datum: **07.05.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „BSB“ d.o.o. Bihać, za izdavanje vodne dozvole za ispuštanje tehnoloških i oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Gorjevac" u naselju Ripač, Grad Bihać, na osnovu člana 139. stav (1) tačke 3. i 10. Zakona o vodama ("Službene novine Federacije BiH", broj 70/06) i člana 200. stav (1) Zakona o upravnom postupku ("Službene novine Federacije BiH", broj 2/98, 48/99 i 61/22), **donosi:**

RJEŠENJE **o vodnoj dozvoli**

1. Pravnom licu, „BSB“ d.o.o. Bihać, daje se vodna dozvola za ispuštanje tehnoloških i oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Gorjevac", na zemljištu označenom kao k.č. broj: 416/1, 416/3, 416/4, 416/5, 416/6, 413 i 418 K.O. Račić po starom operatu, grad Bihać.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Rješenje o vodnoj dozvoli se donosi na osnovu pregleda dokumentacije kojom raspolaže podnosilac zahtjeva, izvršenog uviđaja na površinskom kopu-kamenolomu, pod sljedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.

Da korisnik, u toku važenja ovog Rješenja, realizira dostavljeni detaljni dinamički plan sa finansijskom procjenom ulaganja, odnosno da izvede radnje predviđene revidovanom investiciono-tehničkom dokumentacijom, Glavni projekat investitora BSB doo Bihać – vanjske hidroinstalacije, snabdijevanje vodom, prikupljanje i tretman tehnoloških (industrijskih) otpadnih voda, oborinskih i fekalnih voda na lokalitetu površinskog kopa Gorjevac Bihać, sa pratećim objektima na zemljištu označenom kao k.č. broj: 416/1, 416/3, 416/4, 416/5, 416/6, 413 i 418 K.O. Račić po starom operatu, grad Bihać; urađen od strane IBIS d.o.o. Zavidovići pod brojem 96-IB-G-/16, novembra 2016. godine, revidiran od strane „Zavoda za izgradnju“ a.d. Banja Luka pod brojem 10-3-1/17, dana 01.02.2017. godine, odnosno:

 - Da se do 31.10.2024. godine izvedu radovi na iskopu i uređenju obodnog kanala za prikupljanje i odvodnju površinskih otpadnih voda na eksploatacionom polju „C“.
 - Da se izvedu radovi do 31.10.2025. godine na nabavci i ugradnji separatora ulja i masti i priloži atest i druga dokumentacija za navedeno te izradi predviđeno okno za uzorkovanje otpadnih voda.
 - Da se do 31.04.2026. godine izvedu radovi na izgradnji taložnika na lokaciji 1 eksploatacionog polja „C“ za prijem i taloženje zamuljenih otpadnih voda sa radnih površina i transportnih puteva, te izgradi upojni bunar lociran uz industrijski krug a prema glavnom projektu.
 - Da se do 31.05.2026. godine nabavi muljna pumpa za transport istaloženih voda prikupljenih sa eksploatacionog polja „C“ ka taložniku na lokaciji industrijskog kruga (eksploataciono polje „B“) te preko monitoring okna ispuštaju gravitaciono na najnižu kotu.
 - Da se do 30.06.2026. godine izvede ispitivanje izvedenih taložnika i instalacija na vodonepropusnost uz prilaganje zapisnika o istom.

- 3.2. Skladištiti ulja i maziva u natkrivenom prostoru ili izgraditi namjenski objekt za skladištenje i pretakanje goriva, ulja i maziva te izvesti AB tankvanu od vodonepropusnog betona otpornog na dejstva hemikalija, projektnom dokumentacijom nije predviđeno da se na drugačiji način vrši manipulacija istih unutar kamenoloma.
- 3.3. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.
- 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Prilog 27. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24).
- 3.5. Korisnik kamenoloma je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24). Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).
- 3.6. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora te talog iz taložnika, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 3.7. Opasni materijal i otpad nastao pri izvođenju radova i eksploatacije mineralne sirovine ne smije se ni privremeno odlagati na česticu «vodno dobro», odnosno u vodotok i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje V („Službene novine Federacije BiH”, broj 92/07, 46/09, 79/11, 88/12 i 03/16). Za utvrđeni broj EBS-a, prema rezultatima ispitivanja ovlaštene laboratorije, vlasnik odnosno korisnik objekta je obavezan vršiti plaćanje vodnih naknada u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11 i 88/12).
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Ova vodna dozvola, u skladu sa članom 1. stav (1) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24) sa rokom važenja do **30.06.2026.** godine, uz uslov da se aktivnosti obuhvaćene tačkom 3. dispozitiva rješenja u cijelosti poštuju.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. Stav (1 ili 4. Zakona) tačka 1., 2., 3. o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „BSB” d.o.o. Bihać, obratilo se ovoj Agenciji dana 01.12.2023. godine sa zahtjevom za izdavanje vodne dozvole za kamenolom "Gorjevac", na zemljištu označenom kao k.č. broj: 416/1, 416/3, 416/4, 416/5, 416/6, 413 i 418 K.O. Račić po starom operatu, grad Bihać, a čije su granice eksploatacionog polja odobrene Rješenjem Ministarstva privrede Unsko-sanskog kantona, a na kojem se vrši eksploatacija industrijske mineralne sirovine dolomita.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o upisu subjekta u sudski registar broj : U/I-190/05, izdano dana 26.09.2005. godine, od strane Općinskog suda u Bihaću,
- Ovjerena kopija Uvjerenja o poreznoj registraciji, izdano dana 05.10.2005. godine, od strane Federalnog ministarstva finansija, Porezne uprave – Kantonalni ured UNSKO-SANSKOG KANTONA,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdano od strane Uprave za indirektno-neizravno oporezivanje Banja Luka, broj 04/1-UPJR/1-3063-2/11, dana 05.07.2011. godine, u Banja Luci,
- Uplatnica upravne pristojbe ,
- Kopija rješenja, kojim se privrednom društvu „BSB” d.o.o. Bihać, odobrava eksploatacija mineralne sirovine - dolomita unutar granica eksploatacionog polja „GORJEVAC” koje se nalazi na području općine Bihać; izdano od strane Ministarstva privrede Unsko-sanskog kantona pod brojem 06-18-15849-UP-1/2016, dana 19.12.2016. godine, u Bihaću,
- Kopija Rješenja, kojim se privrednom društvu „BSB” d.o.o. Bihać dozvoljava izvođenje radova po Glavnom rudarskom projektu eksploatacije dolomita na lokalitetu „GORJEVAC” kod Bihaća, od decembra 2016. godine; izdano od strane Ministarstva privrede Unsko-sanskog kantona pod brojem 06-27-5515-UP-1/2017, dana 20.04.2017. godine, u Bihaću,
- Kopija Ugovora o koncesiji br. KU 051/2015 za eksploataciju dolomita na ležištu „Gorjevac” grad Bihać, zaključen između koncesionara – BSB doo Bihać pod brojem 51/15 i koncesora – Ministarstva privrede Unsko-sanskog kantona pod brojem 06-18-4206-1/15, dana 23.04.2015. godine, u Bihaću,
- Rješenje o prethodnoj vodnoj saglasnosti Grada Bihaća koji se daje PVS pravnom licu BSB doo Bihać za korištenje sanitarne vode i ispuštanje sanitarno fekalnih voda putem septičke jame izdato pod brojem: 04/2-21-1195/21 dana 08.06.2021. godine,
- Rješenje o okolišnoj dozvoli operatoru BSB doo Bihać za eksploataciju mineralne sirovine dolomita na eksploatacionom polju Gorjevac izdano od strane Ministarstva građenja, prostornog uređenja i zaštite okoliša Vlade USK pod brojem: 11-19-225-UP-1/21 dana 28.06.2021.godine,
- Izjava od strane investitora da se ne pojavljuju otpadne vode na površini eksploatacije zbog poroznosti terena koji upija sve količine prilikom padavina.
- Glavni projekat investitora BSB doo Bihać – vanjske hidroinstalacije, snabdijevanje vodom, prikupljanje i tretman tehnoloških (industrijskih) otpadnih voda, oborinskih i fekalnih voda na lokalitetu površinskog kopa Gorjevac Bihać, sa pratećim objektima na zemljištu označenom kao k.č. broj: 416/1, 416/3, 416/4, 416/5, 416/6, 413 i 418 K.O. Račić po starom operatu, grad Bihać; urađen od strane IBIS d.o.o. Zavidovići pod brojem 96-IB-G-/16, novembra 2016. godine, u Zavidovićima, revidiran od strane „Zavoda za izgradnju” a.d. Banja Luka pod brojem 10-3-1/17, dana 01.02.2017. godine,
- Detaljni dinamički plan sa procjenom finansijskih ulaganja za 2024. godinu, od 01. aprila 2024. godine, broj 30/24.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH” broj: 31/15), izvršen je pregled lokaliteta kamenoloma "Gorjevac", koji se koristi od strane pravnog lica „BSB” d.o.o. Bihać, i tom prilikom sačinjen zapisnik o uviđaju, broj: UP-1 /21-3-40-541-2/23 od 29.12.2023. godine, pri čemu je utvrđeno:

Granice istražnog polja odobrene su Rješenjem Ministarstva privrede Unsko-sanskog kantona broj: 06-18-15849-UP-1/2016 od dana 19.12.2016. godine, kojim se odobrava eksploatacija mineralne sirovine krečnjaka tipa „liskovački kamen” na predmetnoj lokaciji, te Ugovora o koncesiji br. KU 051/2015 za eksploataciju mineralne sirovine dolomita na ležištu „Gorjevac” u Bihaću, zaključenog sa koncesorom – Ministarstvom privrede Unsko-sanskog kantona, dana 23.04.2015. godine, u Bihaću.

Predmetni kamenolom "Gorjevac" je lociran u naselju Gorjevac, grad Bihać, kojem se prilazi odvojkom makadamskog puta sa magistralne ceste M 5 (Bihać – Jajce), u dužini cca 1,8 km.

Istražno polje, površine 3,85 ha, je podijeljeno u tri eksploataciona polja (A, površine 0,83 ha, B površine 0,35 ha i C površine 1,15 ha; ukupne površine 2,33 ha) ograničeno prelomnim tačkama označenim kao: A, B, C, D, E, F, G, H, I, J i K, koje su definisane koordinatama (x,y):

Prelomne tačke	koordinate	
	X	Y
A	5 578 900	4 955 700
B	5 579 010	4 955 640
C	5 579 110	4 955 660
D	5 579 150	4 955 680
E	5 579 170	4 955 710
F	5 579 140	4 955 820
G	5 579 100	4 955 840
H	5 579 070	4 955 860
I	5 579 000	4 955 810
J	5 578 970	4 955 800
K	5 578 940	4 955 790

Na predmetnom kamenolomu, u vrijeme izvršenja uviđaja, su postojali slijedeći objekti i mašine/ postrojenja: urađen manipulativni plato za tankovanje i održavanje mehanizacije sa kolskom vagonom, (bez ovičenja sa obodnim slivnim rešetkama i kanalicama), improvizirani betonski taložnici od cijevi promjera 1 m za prijem oborinskih i otpadnih voda sa istog, nabavljen i postavljen kontejner za ishranu radnika i drugi kontejner za skladištenje ulja i maziva, dva separacijska postrojenja, cisterna za vodu, elektroagregat na dizel gorivo, te pokretni WC za potrebe radnika, nije urađen obodni kanal za prijem oborinskih voda sa radnih površina eksploatacionog polja „C” priprema terena za eksploataciju polja „C”, bager utovarivač.

Na predmetnom lokalitetu, u vrijeme izvršenja uviđaja nisu vršeni radovi na eksploataciji mineralne sirovine. Na prostoru predmetnog kamenoloma trenutno nije omogućen priključak na javni gradski vodovodni niti kanalizacioni sistem. Za piće se koristi flaširana voda, a za sanitarne svrhe se voda dovozi u PVC bačvi.

Oborinske vode sa internih saobraćajnih i parkirnih površina, radnih površina kopa te skladišnih površina gotovih agregata-proizvoda, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se najvećim dijelom zadržavaju unutar istražnog polja te infiltriraju u podzemlje, a dijelom se slijevaju izvan eksploatacionog polja (mjesto predviđeno za izgradnju obodnog kanala).

Nije izveden obodni kanal na najnižem dijelu eksploatacionog polja „C“ niti taložnik sa kontrolnim oknom. Nije nabavljena cisterna za gorivo niti izvedena tankvana za smještaj iste. Nije izvedeno monitoring okno.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog, prema preciziranim rokovima iz dinamičkog plana.

Na osnovu provedenog postupka i utvrđenog činjeničnog stanja, doneseno je rješenje kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Fuad Mujagić, dipl. inž.

za Po ovlaštenju
Rukovodilac sektora za
izdavanje vodnih akata



Haris Ališehović, dipl. inž. građ.

Dostaviti:

- „BSB“ d.o.o. Bihać, Mehmeda Kolakovića 114. 77000 Bihać
- AVP Sava, ISV – Vodna knjiga
- Sektor 50
- ☉ Sektor 40, arhiva
- Oglasna ploča - AVP Sava